

11. februar 2022

UPA2022/109

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiuppar:

Tasiilami erngup nukinganik innaallagissiorfik allilerniarlugu nukissuummik nutamik innaallagissallu aqquataanik pilersitseqqullugit naalakkersuisut peqquneqarnissaannik inatsisartut aalajangiiffigisassatut siunnersuut.

(Inatsisartunut ilaasortaq Lars Poulsen, Siumut)

Tunngavilersuut:

Ukiut atorpavut nunarsuatsinni nukik minguitsoq atorlugu innaallagissiorfik innaallagissiorfimmut piumasaqaateqarfialuta. Siumup anguniarpaa nunatsinni innaallagissiorfik innaallagissamik innaallagissamik atuinermut aammalu innaallagissamik kiassaateqarnikkut periarfissat pitsangorsarnissaannik.

Naalakkersuisunut apeqquteqarninni akissummi Nukissiorfiup oqaatigaa sarfaq illoqarfimmut tunioraasoq naammattoq. Taamatuttaaq illoqarfik ineriertussappat sanaartorfiussappat sarfaq illoqarfimmut tuneeraasinnaasoq amigalertussaalluni.¹

Nukik minguitoq atorlugu illoqarfiiit ineriertortinneqarsinnaassappata, erngup nukinganik nukissiorfiit nukissamik pilersitsisinhaassusaata annerpaataa atorluassallugu pingaaruteqarpoq. Pingaartumik ukiuni makkunani varmepumpit kiassaatit atugaaleratutuinnartillugit, ineriertorneq pitsaasoq unitsissanngikkutsigu Tasiilami erngup nukinganik nukissiorfiup allilerinnaanera atorluartariaqarparput.

Sanaartornerit annertuut pilissappata, soorlu naalakkersuinikkut pilersaarutigineqartoq Tasiilami mittarfiliornissaq kiisalu inissianik sanaartortoqarnissaa kommunemit pilersaarutigineqarluni, tamanna tunngavigalugu isumaqarpungattaaq erngup nukinganik sarfamik pilersuineq annertusineqapallattariaqartoq.

Naalakkersuisunut apeqquteqarninni nukissiorfiup akissutigaa massakkornit 50%-mik allilerineq periarfissaasoq, tamannalu atorluarlugu erngup nukissiorfiup allilerneqarnissaa pisariaqarpoq.

Illoqarfiummi ineriertorteqqinnissaanut siunissamilu sanaartugassanut allanullu akimmiffiusussaavoq, avatangiisitsinnillu illersuiniarluta ineriertotsinitsinnut akimmiffiulereerluni, tamanna tunngavigalugu taamaattumik siunnersuuteqarpunga.

¹ §37 190-2021



Pisortanut aningaasatigut allaffissornikkullu kingunerisassat:

Erngup nukinganik innaallagissiorfiup allilernissaanut periarfissaq Tatsip 160-p aamma Tatsip 100-p akornanni pilersitsinikkut pisussaq, Tasiilamilu innaallagissat aqqutaasa pitsangorsarneri katillugit 40. Mio kr. naleqarnissaat Naalakkersuisut taggippaat.²

Namminersorluni inuussutissarsiuteqarnermut aningaasatigut allaffissornikkullu kingunerisassat:

Soqanngilaq

Innuttaasunut aningaasatigut allaffissornikkullu kingunerisassat:

Soqanngilaq

² §37 190-2021